

PREGO DE CONDICIÓN

BTT



PREÁMBULO

Este documento recolle os compromisos adquiridos pola FEDERACIÓN GALEGA DE CICLISMO, en diante FGC, cos clubs organizadores dos CAMPIONATOS DE GALICIA BTT 2022 e á vez destes ca FGC.

Para regular os dereitos e obrigacións adquiridos polas partes na firma deste documento establécense as seguintes:

CONDICIONS XERAIS

O calendario autonómico galego de BTT, ten o seu máximo punto de interese na disputa dos Campionatos de Galicia.

Os dereitos de organización dos Campionatos en calquera modalidade de BTT que se celebre son propiedade da FGC. A cesión de dereitos para a organización dos Campionatos de Galicia realizarase baixo o formato de convenio de colaboración entre a FGC e as entidades organizadoras.

A FGC establece que sexan os clubs os que soliciten a súa organización e levará a cabo cada ano un proceso de adxudicación, tras a solicitude previa por parte dos interesados na organización do evento.

As datas para a súa celebración son as publicadas no calendario FGC como Campionatos de Galicia BTT XCO/ XCE/ XCM/ DHI/ END (anexo 1)

As normas que regulan a competición serán as recollidas na Normativa Técnica FGC, Título III. Probas en BTT 2022

DEREITOS DO ORGANIZADOR

Son dereitos do organizador os seguintes:

1. O Organizador debe asociar no seu evento, o título CAMPIONATO DE GALICIA, co nome das firmas comerciais que decida nos termos establecidos neste acordo.
2. A denominación da proba será: Campionato de Galicia BTT... 2022 XXX. Sendo XXX o nome da poboación sede ou firma comercial que o organizador/adjudicatario decida.
3. O Organizador pode promocionar ou publicitar o evento a través dos distintos medios informativos, en calquera caso, sempre deberá aparecer a imaxe oficial dos Campionatos de Galicia BTT 2022, cos logotipos da FGC e os da Secretaría Xeral para o Deporte.
4. O Organizador deberá recibir a carta de concesión do Campionato de Galicia solicitado.
5. O acto de presentación do evento realizarase, no seu caso, cando o Organizador considéreo conveniente, sendo o custo do mesmo ao seu cargo. Ao acto deberá ser invitada a Secretaría Xeral para o Deporte e o Presidente da FGC que poderá delegar a súa presenza na persoa que considere oportuna, ao igual que na cerimonia de premiación o día de celebración do campionato.
6. O persoal da FGC están ao dispor do Organizador adjudicatario prestando asesoramento técnico e administrativo para a preparación e desenvolvemento do evento.

OBRIGACIÓNS DO ORGANIZADOR

O Organizador asume baixo a súa enteira responsabilidade a organización directa do evento acordado, comprometéndose a seguir as directrices que estableza a FGC, á cal corresponde o control e supervisión do cumprimento das obrigacións asumidas polo Organizador para a celebración do evento. Para ese efecto, esta designará un representante que actuará de coordinador e interlocutor para o seguimento do adecuado cumprimento do contrato suscrito.

Son obrigacións do Organizador as seguintes:

1. A presentación da solicitude do campionato no prazo oficial establecido pola FGC.
2. A inscrición da proba no calendario da FGC e presentación do regulamento particular conforme ao modelo oficial, disponible na zona privada do club organizador.
3. A obtención dos permisos administrativos, públicos, privados e federativos necesarios para a realización da competición, previa solicitude a FGC dos certificados do seguro de accidentes e RC.
4. A edición do dossier/guia técnica da proba, en formato libre que deberá incluír o reglamento particular coa data, horarios, lugar, perfis, categorías e as condicións de inscrición. Debe ser publicado, polo menos, con quince días de antelación á celebración do evento.
5. Deseño, impresión e distribución do cartel oficial. No cartel deberán figurar obrigatoriamente na zona superior a imaxe oficial do Campionato de Galicia ca súa cor corporativa, sen modificacións. O deseño do cartel deberá ser obrigatoriamente enviado a FGC para a súa validación antes da publicación polo Organizador.
6. Elaboración do Protocolo Covid-19 particular do evento.
7. Presentación á FGC do formulario Excel de información Covid-19 sobre as condicións de realización da competición que deberá remitir cunha antelación de 15 días a celebración da mesma.
8. Asumir os pagos dos premios económicos, de acordo co reparto establecido nas Obrigas Financeiras 2022 da FGC.
9. Contratación do sistema de cronometraxe electrónica (Enduro e DHI)
10. Ramos de flores para os primeiros/as clasificados/as de cada categoría do campionato.
11. Trofeos para os corredores que obten o podio da proba, aqueles que estean en posesión da licenza federativa expedida por unha federación distinta a Federación Galega.
12. A coordinación e contratación do dispositivo de atención sanitaria e evacuación de urxencias (médico de carreira, persoal sanitario, ambulancias etc).
13. O persoal necesario para a montaxe e desmontaxe da infraestrutura propia, para a sinalización e marcaxe do percorrido, para o control de carreira e para a limpeza posterior do circuíto e os seus arredores.
14. Sinalización de acceso o lugar do evento
15. Habilitar unha zona de aparcamento gratuita para os corredores participantes.
16. Provisión de toma de enerxía eléctrica que garanta o fornezo eléctrico para a alimentación dos equipos informáticos de xestión de inscricións, cronometraxe e megafonía.



17. Serán de obrigado cumprimento todas as disposicións da Normativa Técnica FGC, Título III. Probas en BTT 2022.
18. O organizador adjudicatario será responsable único de calquera sanción económica e/ou disciplinaria que a FGC e/ou o Comité de Competición puidese impoñer á proba, como consecuencia dun incumplimento das normas deportivas que lle fosen de aplicación.

DEREITOS DA FEDERACIÓN GALEGA DE CICLISMO

A FGC se reserva para sí os seguintes dereitos:

- O deseño integro do maillot/camisola de Campión/a de Galicia de cada unha das categorías e todos os seus espazos publicitarios.
- O deseño da cabeceira oficial do cartel do Campionato cos logotipos da FGC e da Secretaría Xeral para o Deporte.
- Reservarase na zona de saída / meta espazo suficiente para a instalación de pancartas dos patrocinadores comerciais e institucionais cos que a FGC poida manter convenio.
- A invitación ao acto de imposición de maillots de Campión/a é propiedade exclusiva da FGC, podendo no seu caso ceder este total ou parcialmente ao Organizador. Este aspecto comunicárase coa debida antelación para favorecer o protocolo na cerimonia de premiación.
- Co fin de valorar previamente as condicións técnicas, deportivas e de seguridade das distintas probas, o persoal federativo poderá se o considera oportuno, realizar unha visita antes da data fixada para a celebración da proba, onde verificará os aspectos técnicos do circuito.

OBRIGACIÓNS DA FEDERACIÓN GALEGA DE CICLISMO

A Federación Galega de Ciclismo, a fin de colaborar no desenvolvemento e organización do Campionato de Galicia facilitará unha serie de servizos que se compoñerán de:

- Coordinación de todo o referido á elaboración e aprobación do regulamento do campionato, prestando asesoramento técnico e administrativo ao Organizador adxudicatario para a preparación e desenvolvemento do evento. Na data de celebración da proba, o persoal federativo poderá acudir ao evento, para exercer os labores de coordinación, prestar canta axuda técnica precise tanto o Organizador adxudicatario, como o Xurado Técnico acreditado.
- Publicación do CAMPIONATO DE GALICIA BTT 2022 nos seus propios medios, a través da web oficial www.fgalegaciclismo.es e nas súas redes sociais.
- Asesoramento, xestión documentación e certificados para permisos coas administracións
- Coordinación e asesoramento da presentación de documentación referida ao Protocolo Covid-19
- Dotación de seguros de accidentes e responsabilidade civil
- Facilitar a plataforma web de inscricións
- Asumir o pago das taxas federativa e taxas arbitrase
- Contratación do locutor da proba
- Contratación da produtora TV para a gravación do campionato



- Dotación de sistema cronometraxe con chips electrónicos XCO, XCE e XCM **(NOVO)**
- Dotación de sistema de megafonía
- Dotación dos/as maillots e camisolas de Campión/a de Galicia para os primeiros/as clasificados/as de cada categoría
- Dotación de medallas para os tres primeiros clasificados/as de cada categoría
- Dotación de dorsais
- Dotación de cinta sinalizadora
- Dotación de infraestrutura necesaria para a zona de meta:
 - ✓ Podio para a cerimonia protocolaria de entrega de premios, rotulado cos patrocinadores da FGC e os patrocinadores do evento
 - ✓ Ponte ou tótems de meta rotulados
 - ✓ Valado para a zona de meta (máximo 30 valos)
 - ✓ Dúas carpas de 3x3
- Elaboración e publicación da nota de prensa na web www.fgalegaciclismo.es e a súa remisión a demais medios.

Para a aceptación do Prego de Condicións para a organización do Campionato de Galicia de BTT 2022 firman a presente en _____, a ____ de _____ de 202_

Juan Carlos Muñiz Nieto
Presidente da FGC

Conforme o Organizador
Fdo.



ANEXO 1

CAMPIONATOS DE GALICIA BTT 2022

<u>DATA</u>	<u>CATEGORÍA</u>	<u>MODALIDADE</u>
8 MAIO	TODAS AS CATEGORÍAS	ENDURO
5 XUÑO	TODAS AS CATEGORÍAS	CROSS COUNTRY MARATÓN
25 XUÑO	TODAS AS CATEGORÍAS	CROSS COUNTRY ELIMINATOR
26 XUÑO	TODAS AS CATEGORÍAS	CROSS COUNTRY OLÍMPICO
3 XULLO	TODAS AS CATEGORÍAS	DESCENSO